

欽定歷代職官表

11

749 4
4544
4



齊
4344
4

欽定歷代職官表卷十一

禮部會同四譯館表

提督	兼鴻臚寺卿	兼鴻臚寺卿
會同	兼鴻臚寺卿	兼鴻臚寺卿
四譯	兼鴻臚寺卿	兼鴻臚寺卿
館表	兼鴻臚寺卿	兼鴻臚寺卿
元明	提督寺卿	提督寺卿
金	提督寺卿	提督寺卿
遼	提督寺卿	提督寺卿
宋	提督寺卿	提督寺卿
唐	提督寺卿	提督寺卿
隋	提督寺卿	提督寺卿
後周	提督寺卿	提督寺卿
齊	提督寺卿	提督寺卿
魏	提督寺卿	提督寺卿
梁陳	提督寺卿	提督寺卿
晉	提督寺卿	提督寺卿
後漢	提督寺卿	提督寺卿
漢	提督寺卿	提督寺卿
秦	提督寺卿	提督寺卿
元	提督寺卿	提督寺卿

禮部會同四譯館表
廣雅書局

見

簡用一人四譯館則

國初沿明制置隸於翰林院設太常寺漢少卿一人提督館事立回回緬甸百夷西番高昌西天八百暹羅八館以譯遠方朝貢文字乾隆十三年以四譯館閒冗無事

詔下大學士禮部定議省提督館事太常寺少卿員額併入禮部為會同四譯館改八館為二曰西域館百夷館以禮部郎中一人兼鴻臚寺少卿銜兼攝之於滿漢郎中內掄選

引

見請

旨簡任三年而代

大三百三十七

會同四譯館大使漢人一人正九品序班漢人二人從九品朝鮮通

事官滿洲十有二人六品六人七品四人八品二人

掌治館舍委積以接待人使通外國語言繙習文字大使員額順治元年定序班初設二十人順治十五年定設正教序班八人協教序班八人康熙三十八年五十二年又先後省至九人仍以一員管典務廳典務事乾隆十三年省典務一人序班六人定設序班二人朝鮮通事官初置六人後增至十六人凡六品十八七品六人乾隆二十三年省六品四人七品二人增設八品二人朝鮮譯學置譯生二十人於下五旗朝鮮子弟內選充西域館置譯生四人百夷館置譯生四人均于順天府屬儒童內選充凡大

使員闕咨吏部以序班序補通事官及序班員闕均以譯
生選補咨吏部註冊

歷代建置

三代

周禮秋官象胥每翟上士一人中士二人下士八人徒二
十人掌蠻夷閩貉戎狄之國使掌傳王之言而諭說焉以
和親之若以時入賓則協其禮與其辭言傳之凡其出入
送逆之禮節幣帛詞令而賓相之鄭康成註鄭司農云象
胥譯官也胥讀為謂王
制曰五方之民言語不通嗜慾不同達其志通其慾東方
曰寄南方曰象西方曰狄鞮北方曰譯此官正為象者周
始有越裳重譯而來獻是因謂通言語
之官為象胥云謂謂象之有才知者也掌客上士二人下
士四人府二人史二人胥二人徒二十人掌四方賓客之

牢禮餼獻飲食之等數與其政治

國語周語使舌人體委與之章昭註舌人能達異方之志
象胥之官也

謹案周禮秋官自犬行人以下九職皆掌四方賓客之
禮秦漢而降封建既廢邦交之事不行惟蠻夷朝貢猶
典領於大鴻臚秦漢鴻臚即周
大行人之職後世以賓禮所關雖於
禮部置主客一曹參掌其事而實以鴻臚為專職自金
元二代皆不設鴻臚寺始於禮部置會同館明代復設
鴻臚而所掌僅朝廟禮儀其四夷館別以太常少卿領
之於是諸蕃朝見之禮館餼之事遂不屬於鴻臚準之
前典頗不相合我

朝合會同四譯兩館爲一而以禮部郎兼鴻臚寺少卿銜專
司經理循名核實詢與古制相符矣至其沿革所自則
會同館卽魏晉之客館令典客令當爲周掌客之職四
譯館卽漢之譯官令九譯令當爲周象胥之職而今之
館卿實兼此二職者也

秦

冊府元龜秦置典客掌歸義蠻夷有丞以屬焉

漢

漢書百官公卿表典客秦官景帝十六年更名大行令武
帝太初元年更名大鴻臚屬官有譯官令丞典屬國屬官
九譯令成帝河平元年省併大鴻臚儒林傳周堪
爲譯官令

大三百六十九

漢書地理志自扶甘都盧國船行可二月餘有黃支國自
武帝以來皆獻見有譯長屬黃門

漢書西域傳凡國五十自譯長皆佩漢印綬

漢書金日磾傳金岑拜爲郎使主客服虔註官名屬鴻臚
主蕃客也

謹案典客卽改爲鴻臚其歷代沿革俱已別詳於鴻臚
寺表惟譯官九譯二令丞及魏晉以後鴻臚所屬之典
客一署皆與今會同四譯館職掌相承今並著之於此
至地理志西域傳所稱譯長皆佩印綬其有祿秩可知
而百官表並無此名以今制準之當卽通事官之類又
主客一官服虔謂屬鴻臚而百官表亦闕而不載疑卽

後代典客令之所自出也

三國

〔冊府元龜〕魏改鴻臚之大行令為客館令

晉

〔晉書職官志〕大鴻臚統典客令

〔唐六典〕魏客館令晉改曰典客

宋齊梁陳

〔冊府元龜〕宋永初中大鴻臚分置南北客館令丞

〔南齊書百官志〕客館令掌四方賓客

唐六典梁有典客館令丞在七班之下為三品勳位陳因之

大三百四十

北魏

〔魏書官氏志〕太和十五年十二月置主客官

〔冊府元龜〕後魏典客監從五品上又置主客令

北齊

〔隋書百官志〕後齊鴻臚寺統典客署令丞

後周

〔杜佑通典〕後周官品正五命秋官蕃部中大夫正四命秋官小蕃部下大夫正三命秋官小蕃部上士正二命秋官象謂中士正一命秋官象謂下士

謹案唐六典以後周所置東南西北四掌客當典客令之職今考掌客之名雖襲周官而其制實本於晉之南

北左右主客郎自應入於主客司沿革內惟蕃部大夫
專掌蕃國朝覲之敘其職實如今之館卿若賓部大夫
掌賓客之禮則與今鴻臚相仿通典乃以蕃部與賓部
並入鴻臚沿革亦非也

隋

隋書百官志高祖受命置鴻臚寺統典客署置令二人又
有掌客十人煬帝改典客署爲典蕃署置四方館于建國
門外以待四方使者後罷之有事則置名隸鴻臚寺量事
繁簡臨時損益東方曰東夷使者南方曰南蠻使者西方
曰西戎使者北方曰北狄使者各一人掌其方國及互市
事每使者署典護錄事敘職敘儀監府監置互市監及副

六百六十八

參軍各一人錄事主綱紀敘職掌其貴賤立功合敘者敘
儀掌小大次序監府掌其貢獻財貨監置掌安置其駝馬
船車並糾察非違互市監及副掌互市參軍掌出入交易

唐

唐六典典客署令一人從七品丞二人從八品下掌客十
五人正九品上典客十三人府四人史八人賓僕十八人
掌固二人典客令掌東夷西戎南蠻北狄歸化在蕃者之
名數丞爲之貳凡朝貢宴享送迎預焉皆辨其等位而供
其職事凡酋渠首領朝見者則館而以禮供之若疾病所
司遣醫人給以湯藥若身亡使主副及第三等已上官奏
聞其喪事所須所司量給欲還蕃者則給輦遞至境諸蕃

使主副五品已上給帳壇席六品已下給幕及食料丞一人判廚事季終則會之若還蕃其賜各有差給于朝堂典客佐其受領教其拜謝之節焉

舊唐書職官志武德初改通事謁者為通事舍人隸四方館屬中書省

謹案自隋置四方館唐代改隸中書省以通事舍人判之其所掌者不獨蕃國朝覲之事與隋制不同厥後五季則以卿監判四方館宋亦有客省使引進使四方館使以武臣為之雖兼主四夷朝貢而內外臣僚牧伯朝辭進見悉其職掌亦非隋四方館專領蕃國者可比惟金代不置鴻臚其司外方人使者專屬之客省引進二

使建置所承權輿有自故仍互載于此以備沿革焉

五季

馬端臨文獻通考石晉始有為卿監專掌判四方館者

謹案冊府元龜載唐莊宗時詔諸寺監官屬權停則典客令丞亦當在省罷之列惟四方館職事尚存而以卿寺專判則必別為一署與唐之隸中書省者又不同矣

宋

宋史職官志鴻臚寺官屬都亭西驛及管幹所掌河西蕃部貢奉之事禮賓院掌回鶻吐蕃党項等國朝貢館設及互市譯語之事懷遠驛掌南蕃交州西蕃龜茲大食于闐甘沙宗哥等國貢奉之事同文館及管勾所掌高麗使命

○客省使副使掌四夷朝覲貢獻之儀受其幣而賓禮之
掌其饗餼飲食還則頒詔書授以賜予○引進司使副掌
蕃國進奉禮物之事○四方館使凡郊祀大朝會則定外
國使命之版

〔文獻通考〕都亭驛監官一人西驛管勾官二人以諸司使
副以下至三班使臣充禮賓院監官二人以閤門祇候以
上及三班使臣充懷遠驛監官二人以監外物料庫官兼
謹案宋都亭西驛禮賓院懷遠驛諸監官卽今會同四
譯館之職其客省引進四方館諸使則均非其專司然
詳核史志監官所掌僅館餼支供之事而一切朝見賞
勞乃以客省使總其成則監官當如今之大使而客省

使實兼有今館卿職事也

遼

〔遼史百官志〕客省太宗會同元年置○都客省興宗重熙
十年見都客省同鶻仲格原作重哥今依字面改正○客省使會同五
年見客省使耶律華格原作化哥今依字面改正○左客省使蕭和斯
蒙古語雙也原作護思今改正應麻初爲左客省使○右客省使○客省
副使○四方館○四方館使高勳太宗入汴爲四方館使
○四方館副使道宗咸雍五年詔四方館副使止以契丹
人充

謹案遼客省使四方館使二官其職掌不見于史以宋
金之制準之當亦主諸國人使者故並著于此

金

〔金史百官志〕客省使正五品副使從六品掌接伴人使見辭之事引進使正五品副使從六品掌進外方人使貢獻禮物之事典客署令從六品丞從七品直長後罷書表十人右屬宣徽院

謹案金不設鴻臚寺官故朝儀屬之宣徽院而客省引進使亦隸焉蓋亦如客館令之屬大鴻臚也

元

〔元史百官志〕會同館秩從四品掌接伴引見諸蕃蠻夷峒官之來朝貢者至元十三年始置二十五年罷之二十九年復置元貞元年以禮部尚書領館事遂為定制禮部尚

書領會同館事一員正三品大使二員正四品副使二員

從六品提控案牘一員掌書四人蒙古筆且齊解見吏一部篇

人典給官八人其屬有收支諸物庫秩從九品大使一員

副使一員至元二十九年以四賓庫改置

謹案元代亦不設鴻臚寺別置會同館以主諸蕃朝貢

元貞初遂領之禮部尚書以重其事今會同館之屬禮

部蓋自此始也

明

〔明史職官志〕弘治五年禮部增設主客司主事一人提督

會同館○太常寺提督四夷館少卿一人正四品掌譯書之

事自永樂五年外國朝貢特設八館置譯字生通事通事初隸

通政使司通譯語言文字正德中增設八百館八百國蘭者哥進貢萬麻

中又增設暹羅館初設四夷館隸翰林院選國子監生習譯宣德元年兼選官民子弟委官教肄學士稽考程課弘治七年始增設太常寺卿少卿各一員為提督遂改隸太常嘉靖中裁卿止少卿一人譯字生明初甚重與考者與鄉會試額科甲一體出身後止為雜流其在館者陞轉皆在鴻臚寺

孫承澤春明夢餘錄四夷館在東華門外設太常寺少卿提督之聽於翰林院所隸凡八館初以舉人監生年少者入翰林院習夷字以通事為教師科舉時任其應試卷尾識譯字數十字三場畢送翰林定去取仍送入場填榜中

大四百一十五

榜後改庶吉士仍習譯天順中革令擇俊民俾專其業藝成會六部大臣試之通者冠帶又三年授以官

尹直瑣綴錄永樂間嘗選舉人監生習四夷譯書憫其妨曠本業乃命會試卷尾識譯書數十字三場畢送出翰林定去取仍送入場填榜蓋優典也然既登第仍官館中習譯書如許道中是也至景泰初吳禎以民人充譯字始援此例中鄉試及登第又以與修寰宇通志成從眾庶吉士出授御史至成化間俞瓚又因此例授主事於戶部蓋資稍可進輒習舉業而譯書不復精徒藉為科第之捷徑故爭趨者眾天順八年彭可齋始建白如制去取於內不復送出院

謹案前代客館典客諸令丞皆以接待人使爲重而譯官之職則自西漢以後概未之見至明始重其事以翰林官領之然當時所定譯語大抵影響附會舛繆滋多其譯字諸生亦徒糜廩祿而已不足以爲典要我國家聲教遠訖八方會同蒙古諸藩咸備宿衛凡前代相傳譯音之訛舛者無不審核精詳特加釐正而託忒回部諸字亦皆考稽重舌勒有成書握槩提鉛共知遵守其序班通事之隸四譯館者乃以相循舊制取備官聯初不藉爲象鞮之用同文盛軌洵三代以來所莫及也

欽定歷代職官表卷十一

南海桂銘球初校
益陽蔡芳覆校
番禺陶福祥再覆校

左右侍郎滿洲漢人各一人

掌釐治戎政以貳尚書初制增減不一順治元年定設如今額

武選清吏司郎中滿洲三人蒙古一人漢人一人員外郎滿洲四人漢人四人主事滿洲漢人各一人

掌武職除選封廕及征伐訓誥頒其政令崇德二年設兵部理事官十員副理事官十六員順治元年改定滿洲郎中員外郎各八人蒙古郎中員外郎各四人漢軍郎中二人員外郎六人滿洲主事四人十二年增設滿洲郎中三人員外郎五人康熙三十八年省滿洲員外郎三人蒙古郎中員外郎及漢軍員外郎各四人五十七年復設蒙古

郎中一人員外郎三人增設蒙古主事一人雍正五年省漢軍郎中員外郎員額漢人司官初設郎中員外郎各四人主事五人順治十一年裁車駕武庫二司漢人員外郎各一人雍正五年增設職方司漢人郎中一人武選司漢人員外郎一人

車駕清吏司郎中滿洲三人漢人一人員外郎滿洲二人蒙古一人主事滿洲漢人各一人

掌驛傳郵符及中外牧馬之令

職方清吏司郎中滿洲四人漢人二人員外郎滿洲三人蒙古一人漢人一人主事滿洲蒙古各一人漢人二人

掌天下輿圖以周知險要敘功覈過以待賞罰黜陟

武庫清吏司郎中滿洲二人漢人一人員外郎滿洲蒙古各一人主事滿洲漢人各一人

掌兵籍戎器鄉會武科及編發戍軍之事

堂主事滿洲四人漢軍一人

掌文案者滿洲二人掌章奏者滿洲二人漢軍一人俱順

治元年定額

司務廳司務滿洲漢人各一人

順治元年定額

職事具吏部篇

館所監督滿洲漢人各一人

掌驛馬傳車之政令以待使命及急遞之用順治八年設滿洲監督一人乾隆十八年增設漢人監督一人俱於本

部司員內遴選引

見補充歲周而代

筆帖式滿洲六十有二人蒙古八人漢軍八人

俱順治元年定分隸各司視事之繁簡以為額

職事具吏部篇

謹案兵部初設督捕侍郎滿洲漢人各一員以掌旗人

逃亡之事其屬有左右理事官滿洲漢人各一員郎中

滿洲漢人各一員員外郎滿洲十五員漢軍八員漢人

一員主事滿洲三員漢軍一員漢人六員司務滿洲漢

人各一員筆帖式滿洲三十四員漢軍十六員司獄漢

人二員康熙三十八年俱省其職事併入刑部為督捕

清吏司又初設有會同館大使一員亦康熙三十八年

耶官表卷十一
省又京城九門步軍及巡捕營初制以兵部職方司主
事一人總司之後歸入步軍統領衙門謹識於此

歷代建置

三代

〔孔穎達禮記疏鄭注大傳夏書所謂六卿有司馬

謹案舜典命皋陶作士辭季宣謂禮大刑用甲兵故蠻
夷盜賊之事亦領於士師朱子謂禮樂所以成教化而
兵刑輔之唐虞之時禮樂之官析爲二兵刑之官合爲
一詳略之意可見是虞廷本以士師兼掌兵事至夏建
六卿而司馬始自爲一職今故託始於此至賈公彥周
禮正義序以堯時有六官而指羲叔爲夏官司馬乃臆

揣之詞殊不足信也

〔尚書胤征胤侯命掌六師孔安國傳仲康命胤侯掌王六
師爲大司馬

〔禮記曲禮天子之五官曰司馬鄭康成註此蓋殷時制也

〔禮記王制司馬辨論官材有發則命大司徒教士以車甲

孔穎達疏此論司馬之官用其人及發兵之事

謹案夏殷司馬之官經傳未見明文孔鄭所云說者多
疑其準度周制約略言之然王制一篇本出二代之制
而所列司馬職掌甚詳漢儒授受相承必有所本不可
謂其無據也

〔尚書周官司馬掌邦政統六師平邦國孔安國傳夏官卿

主戎馬之事掌國征伐統正六軍平治王邦四方國之亂者

周禮夏官政官之屬大司馬卿一人中大夫二人軍司馬下大夫四人與司馬上士八人行司馬中士十有六人旅下士三十有二人府六人史十有六人胥三十有二人徒三百有二十人大司馬之職掌建邦國之九法以佐王平邦國以九伐之法正邦國乃以九畿之籍施邦國之政職凡令賦以地與民制之中春教振旅中夏教芟舍中秋教治兵中冬教大閱及師大合軍以行禁令以救無辜伐有罪若大師則掌其戒令及致建大常比軍眾誅後至者及戰巡陳旻事而賞罰若師有功則左執律右秉鉞以先愷

樂獻於社大役與慮事屬其植受其要以待考而賞誅小司馬之職掌其事如大司馬之法軍司馬闕輿司馬闕行司馬闕

謹案周禮自軍司馬以下三官並闕其職掌無可徵據然考國語晉語云公知鐸遏寇之共敬而信彊也使爲輿尉知籍偃之惇帥舊職而共儉也使爲輿司馬孔穎達云輿尉輿司馬皆上軍官輿眾也又僖公二十八年左傳云晉侯作三行以禦狄荀林父將中行屠擊將右行先蔑將左行杜預註云晉置上中下三軍復增三行以辟天子六軍之名又詩魏風云殊異乎公行鄭康成箋云主君兵車之行列據此則輿司馬乃領軍眾之官

行司馬乃王行列之官至軍司馬雖他無可考疑亦當
為佐大司馬而行軍法者故以軍為名左傳晉揚干亂
行於曲梁魏絳戮其僕晉侯怒對曰使臣斯司馬蓋卽
其職唐六典誤以輿為車輿之輿而以輿司馬為後世
駕部所自出非也

尚書孔安國傳司馬第四畢公領之

詩毛亨傳程伯休父命為大司馬

謹案詩大明篇孔疏引太誓云司馬在前王肅曰司馬
太公也考今太誓無此語當出張霸偽書然可見周初
已有司馬之官故逸周書世俘解亦有司徒司馬初厥
於郊號之文蓋本侯國三卿之一其後既建六卿而司

馬乃列在第四也至尚書酒誥毛詩小雅所言祈父毛
孔皆以為司馬職掌封圻之兵甲故以其職稱之左傳
昭公十二年祈招之詩杜預註謂祈父周司馬世掌甲
兵之職而招其名則周之司馬殆亦世嗣其職如蘇公
之為司寇歟

周禮夏官司甲下大夫二人中士八人府四人史八人胥
八人徒八十八

周禮原闕司甲職文鄭康成曰司甲兵戈盾官之長

府二人史四人胥二人徒二十人掌五兵五盾各辨其物
與其等以待軍事及授兵從司馬之法以頒之及其受兵
輸亦如之司戈盾下士二人府一人史二人徒四人掌戈
盾之物而頒之司弓矢下大夫二人中士八人府四人史

八人胥八人徒八十人掌六弓四弩八矢之法辨其名物而掌其守藏與其出入職方氏中大夫四人下大夫八人中士十有六人府四人史十有六人胥十有六人徒百有六十人鄭康成曰職方氏主四方官之長掌天下之圖以掌天下之地辨其邦國都鄙四夷八蠻七閩九貉五戎六狄之人民與其財用九穀六畜之數要周知其利害乃辨九州之國使同貫利

唐六典兵部尚書周官夏官卿也侍郎夏官小司馬中大夫也大司馬屬官有軍司馬下大夫蓋郎中之任輿司馬上士蓋員外郎之任職方氏中大夫職方郎中之任也司甲下大夫庫部郎中之任也司兵中士庫部員外郎之任

也

秦

杜佑通典秦兼天下太尉主五兵

謹案五兵見於周禮司兵之職鄭司農謂戈及戟酋矛夷矛也鄭康成謂此車之五兵若步卒之五兵則無夷矛而有弓矢然此特武事之一端在周官僅以中士掌之而秦乃主之太尉者疑當時方盡收天下兵銷以爲鍾鐻因籍其數而屬諸太尉以供官用非是則皆在應銷之列故曰太尉主五兵猶李斯奏請焚書而曰非博士所職悉詣守尉雜燒之也魏世不察乃置五兵尚書遂沿以爲掌武之通稱殆非其本意矣

漢

〔馬端臨文獻通考〕太尉漢元狩四年更名大司馬後漢建武二十七年復舊名爲太尉公掌四方兵事功課

〔太平御覽〕漢官序曰三公之職司馬主兵漢承秦曰太尉武帝改曰大司馬無印綬世祖改曰太尉

〔後漢書百官志〕太尉公諸曹掾史屬東曹主軍吏法曹主郵驛科程事兵曹主兵事

〔富大用事文類聚〕尚書漢置五曹未有主兵之任

謹案三代以大司馬掌九伐之法故兵政悉屬焉考其職守如有征伐則鄉師致民於司馬是徵發由司馬也仲春振旅仲冬大閱是教練由司馬也又司馬掌祿士

故司士之官屬焉是爵祿黜陟由司馬也其屬又有司右掌勇力之士以充王車右有虎賁氏旅賁氏掌衛守王是宿衛爪牙之士亦隸於司馬也當時六軍雖以命卿爲將而皆不特置但選六官六鄉之吏德任者使兼其官凡號令賞罰其專職仍在於司馬實當後世大帥之任故盾侯爲大司馬而行義和之誅太公爲大司馬而顓牧野之戰程伯休父爲大司馬而有徐戎之征三代兵柄不分故其職隆重如此自周衰籍去列國兵爭始各置將軍之官以統甲兵而兵政遂別寄於領兵之人司馬之職由此遂廢迨秦漢設太尉以掌武事列於三公而尚書並無典兵之員卽後漢志所謂兵曹者亦

職官表卷十一
僅太尉掾屬之一職魏始於尚書置五兵曹歷代增損不一隋唐遂設兵部尚書以當周之司馬而夏官規制乃稍復其舊然唐宋以來內而軍衛樞筦外而節將命帥實各分師旅大柄而兵部所掌自武職銓選以外不過名籍條例之類一切訓練調遣非所專司以視周官司馬名存而實迥不同矣核其所自蓋以三代之時邱甸出甲其兵卽六鄉之民其領兵之官卽六鄉之大夫入使治之出使長之上下相維臂指互使故有軍旅則能聽政合於司馬若後世專用募兵兵與民旣判然爲兩途而官之文武亦分爲二於是建置節鎮區別營伍其勢不復相統一則其董率訓習指揮調發自不能不

各責之於將帥兵部但考法式以受其成而已此亦古今事勢不同所謂因時而制宜者也今以沿革所在軍制攸關謹考論大略附之於此至太尉大司馬在秦漢爲三公官非今兵部尚書所自出已別見內閣篇故不復著於表內云

三國

章俊卿山堂考索魏始置五兵尚書謂中兵外兵騎兵別兵都兵也

晉書職官志魏尚書郎有駕部庫部中兵外兵別兵都兵青龍二年尚書陳矯奏置騎兵

晉

冊府元龜晉置駕部尚書咸亨二年省四年又置駕部太康中改置五兵尚書又置駕部車部庫部左右中兵左右外兵別兵都兵騎兵曹郎及江左罷車部別兵都兵騎兵有駕部庫部中兵外兵曹郎

杜佑通典魏置五兵尚書晉初無太康中乃有五兵尚書而又分中兵外兵各爲左右按晉雖分中兵外兵爲左右與舊五兵爲七曹然尚書惟置五兵而已無七兵尚書之名至後魏始有七兵尚書耳今諸家著述或謂晉太康中置七兵尚書誤矣

謹案漢代太尉有兵曹掾魏世因之大將軍相國亦有兵曹騎兵二曹掾晉之二公皆有戎曹車曹兵曹諸掾

晉元帝爲瑯邪王時開鎮東丞相府掾屬有中兵外兵騎兵諸曹當時尚書郎俱已分曹定職而公府之掾居然襲其名目不以偏上爲嫌僭妄殊甚謹附糾其失於此

宋齊梁陳

宋書百官志宋世祖大明二年省五兵尚書順帝昇明元年又置五兵尚書左民尚書領駕部曹都官尚書領庫部曹五兵尚書領中兵外兵二曹昔有騎兵別兵都兵故謂之五兵也○晉有駕部庫部中兵外兵曹郎宋高祖初加置騎兵太祖元嘉十年又省騎兵十一年又置太宗世省騎兵

謹案宋世止中兵外兵二曹郎而尚書仍稱五兵歷代因之名實殊不相稱蓋沿襲之失也至宋志又有武庫令隸尚書庫部車府令隸尚書駕部南齊亦同其制蓋二令本隸於執金吾太僕兩卿因其職省廢故以權宜改隸其實並非尚書本屬今按其規制析入武備院鑾儀衛篇中不復列於兵部表云

南齊書百官志左民尚書領駕部曹都官尚書領庫部曹五兵尚書領中兵外兵二曹

隋書百官志梁武受命置五兵尚書駕部庫部中兵外兵騎兵等郎陳承梁皆循其制官

事文類聚梁陳有左右中兵左右外兵騎兵郎曹皆置侍

郎亦郎中之任也

唐六典駕部宋齊並爲郎中梁陳爲駕部侍郎宋齊有庫部郎中梁陳爲侍郎

鄭樵通志梁五都令史職與晉同武帝以宣毅墨曹參軍王顯兼中兵都

北魏

魏書官氏志興安二年正月置駕部尚書太和十五年十二月置庫部官

通典後魏爲七兵尚書有駕部郎中有庫部屬度支尚書唐六典後魏有駕部郎中庫部郎中

北齊

隋書百官志後齊尚書省置五兵尚書六尚書分統列曹

殿中統駕部

掌車輿牛馬廄牧等事

曹度支統庫部

掌凡是戎仗器用所須事

鄭樵通志北齊為五兵統五曹曰左中兵掌諸都督告身

諸宿衛官曰右中兵掌畿內丁帳事諸兵力士曰左外兵

掌河南及潼關以東諸州丁帳及發召諸兵曰右外兵掌

河北及潼關以西諸州所典與左外兵同曰都兵掌鼓吹

大樂部小兵等事

孫逢吉職官分紀北齊馮子琮為駕部郎中攝庫部

後周

通典後周官品正七命大司馬正六命小司馬上大夫正

五命夏官職方兵部駕部武藏等中大夫正四命夏官小

職方小兵部小駕部小武藏等下大夫正三命夏官小職

方小兵部小駕部等上士正二命夏官司袍襖司弓矢司

甲司稍司刀盾等中士正一命夏官司袍襖司弓矢司稍

司甲司刀盾等下士

隋

隋書百官志高祖受命置尚書省兵部尚書統兵部職方

侍郎各二人駕部庫部侍郎各二人煬帝置六曹侍郎以

貳尚書諸曹侍郎並改為郎又改兵部為兵曹郎以異侍

郎之名

通典隋乃有兵部尚書統兵部職方駕部庫部四曹蓋因

後周兵部之名兼前代五兵之職

謹案自南北朝以後駕部或領於左民或領於殿中庫部或領於都官或領於度支核其所司本與馬兵仗皆軍事所須乃不屬五兵而轉屬他曹配隸殊未允協隋代悉改領於兵部名實始稱故至今仍其制焉至職方之名本出於夏官後周依周制始置職方中大夫隋文帝遂以爲兵部之一曹亦歷代所未有也

唐

唐六典兵部尚書一人正三品侍郎二人正四品下掌天下軍衛武官選授之政令凡軍師卒戍之籍山川要害之圖廩牧甲仗之數悉以咨之其屬有四一曰兵部二曰職方三曰駕部四曰庫部尚書侍郎總其職務而奉行其制

命凡中外百司之事由於所屬咸質正焉凡選授之制每歲孟冬以三旬會其人以三銓領其事一曰尚書銓二曰東銓三曰西銓

尚書爲中銓兩侍郎分爲東西銓

以五等閱其人以三奇

拔其選其九異者登而任之否則量以退焉有殊九者得合宿衛凡大選終於季春之月所以審名實之銓綜備戎仗之物數以戒軍合而振國容焉郎中二人從五品上員外郎二人從六品上主事四人從八品下郎中一人掌考武官之勳祿品命以二十有九階承而敘焉郎中一人掌判簿以總軍戎差遣之名員外郎一人掌貢舉及諸雜請之事其科第之優劣勳獲之等級皆審其實而授敘焉員外郎一人掌選院謂之南曹每歲選人有解狀簿書資歷

考課必由之以覈其實乃上三銓進甲則署焉○職方郎中一人從五品上員外郎一人從六品上主事二人從九品上職方郎中員外郎掌天下之地圖及城隍鎮戍烽候之數辨其邦國都鄙之遠邇及四夷之歸化者其五方之區域都鄙之廢置疆場之爭訟者舉而正之○駕部郎中一人從五品上員外郎一人從六品上主事三人從九品上駕部郎中員外郎掌邦國之輿輦車乘及天下之傳驛廄牧官私馬牛雜畜之簿籍辨其出入闕逸之政令司其名數凡三十里一驛天下凡一千六百三十有九所而監牧六十有五焉皆分使而統之凡諸衛有承直之馬凡諸司有備運之車皆審其制以定數焉○庫部郎中一人從五品上員外郎一人從六品上主事一人從九品上庫部郎中員外郎掌邦國軍州之戎器儀仗及冬至元正之陳設并祠祭喪葬之羽儀諸軍州之甲仗皆辨其出入之數量其繕造之功以分給焉

謹案鹵簿儀仗唐世掌之庫部宋明則皆掌之駕部至本朝置鑾儀衛其事始不屬於兵部云

馬端臨文獻通考唐龍朔二年改兵部尚書爲司戎太常伯咸亨元年復舊光宅元年改爲夏官神龍元年復舊天寶十一載改爲武部至德初復舊兵部侍郎龍朔二年改爲司戎少常伯郎中改爲司戎大夫職方郎中改爲司城大夫駕部郎中改爲司輿大夫庫部郎中改爲司庫大夫

咸亨初復舊

舊唐書職官志天寶十一載改駕部爲司駕庫部爲司庫至德二載並仍舊

唐會要總章二年以後兵部侍郎加至三員後又減一員新唐書百官志兵部令史三十人書令史六十人制書令史十三人甲庫令史十二人亭長八人掌固十二人職方令史四人書令史九人掌固四人駕部令史十人書令史二十四人掌固四人庫部令史七人書令史十五人掌固四人右司都事六人主事六人

謹案今各部堂主事司務當爲唐左右司都事主事之職治已具吏部篇今以隸右司者析繫兵部表內刑工

一部仿此

洪邁容齋隨筆唐吏部兵部分掌銓選兩部各列三銓吏居左兵居右是爲前行故兵部班級在戶刑禮之上睿宗初政以宋璟爲吏部尚書李乂盧從愿爲侍郎姚元之爲兵部尚書陸象先盧懷慎爲侍郎六人皆名臣二選稱治新唐書選舉志武舉起於武后之時長安二年始置其制有長槩馬射步射平射筒射又有馬槍翹關負重身材之選中第亦以鄉飲酒禮送兵部

謹案自古舉官之途不分文武三代以命卿帥師而六鄉則有比長閭胥族師黨正州長鄉師六遂則有鄰長里宰鄩長鄙師縣正遂師皆以時率其民課農教戰而

聽政令於司馬故蒞限則曰師都蒞軍則曰軍吏其職
 卽如今之將弁也漢世良家子以材力入官者或隸期
 門羽林或爲三署郎而軍功大者爲卿大夫小者亦爲
 郎後漢將帥罷兵大抵內爲列卿外爲郡守後漢書耿純傳純以
前將軍平真定還京師願試一郡光武曰治及魏晉而
 將軍之官多選清望之士居之如裴頴以國子祭酒爲
 右軍將軍王恬以中書郎爲後將軍亦皆由文職遷轉
 以至州鎮方伯無不兼將軍都督之稱其爲州而無將
 軍者則謂之單車刺史當時文武遷授尚不拘資格其
 後迄南北朝皆然至唐而吏部兵部分爲二選文武始
 各有定闕然考唐六典武選之制如所云選人有自文

資入者取少壯六尺已上材藝超絕考試不堪還送吏
 部是文可以換武又云千牛備身五考隨文武簡試聽
 選勳官年滿簡送吏部無文聽以武選三衛官考滿兵
 部校試有文堪時務則送吏部無文則以本色遷授是
 武可以改文故唐代諸州兵政掌之刺史悉帶使持節
 某州軍州事銜稱爲州將並無專闕武員吏職兵官未
 嘗判然區別逮宋太祖患五季藩鎮跋扈命文臣出守
 列郡而別置鈐轄都監以司軍旅屯戍之政令遂分職
 而治然當時內外官仍文武參用而願換授者亦許改

職宋敏求春明退朝錄唐文武參用袁滋自尚書右丞
出華州刺史召爲左金吾衛大將軍宋朝頗循其制
三司使尚書左丞李士衡學士承旨刑部尚書自元世
李維翰林學士工部侍郎陳堯咨皆換觀察使

祖至元十五年定軍民異屬之制以萬戶府鎮撫司領

成兵以知府縣尹領民事元吳萊淵穎集書急就章後云國家起自北土經理中原

中原豪傑保有鄉里因而降附使據其境土如古諸侯大開幕府辟置官屬錢糧獄訟一皆專制於己而不復有關於上已而山東獅子地富兵強跳踉負固卒貽誅滅而後天下郡縣一命之官悉歸于吏部兵則自近成遠尺籍伍符各有統帥但知坐食郡縣之租稅不復繫守令事矣明因其制於是州縣

營衛建置攸殊出身既截然不同銓注亦有一定之格自督撫大吏外武官除授乃無一不歸於兵部矣

五季

五代史本紀乾化二年兵部郎中張儁天成二年兵部侍

郎馮道長興四年兵部尚書李麟

五代會要長興三年尚書吏部侍郎王權奏請頒下諸州

其所送兵部職方地圖令郡縣鎮戍城池水陸道路或新舊移易者並須載之於圖

謹案五季兵部官制史志不詳今略採歐史及會要二條以見其概

宋

文獻通考宋兵部判部事一人凡籍武官軍師卒戎之政令悉歸於樞密院其選授小者又歸三班本曹但掌三駕儀仗鹵簿字圖釋奠武成王廟及武舉事歲終以義勇兵箭手寨兵之數上於朝元豐更制惟民兵馬政權隸樞密院武官銓選并歸吏部五年詔應緣義勇保甲事並隸樞密院其餘民兵悉歸兵部以什伍之法教民為兵以選舉

之法試武士以鹵簿字圖分布儀衛以郡縣之圖周知地
域凡廂軍蕃兵刺員及金吾街仗司人兵稽其數而振飭
其藝臣僚之家宣借兵級與夫蕃夷屬戶授官封襲之事
皆掌之○侍郎南渡後長貳互置續置侍郎二員隆興常
置一員○郎中建炎三年詔兵部兼職方駕部兼庫部隆
興初詔駕部兵部郎官共一員兼領自是四司合爲一矣
厥後閒或並置若從軍或將命於外則假以爲寵○職方
掌天下地圖以周知方域之廣及城隍堡塞烽候蕃夷歸
朝內附之事○駕部掌輦輅車乘廐牧雜畜乘具傳驛之
政令辨其出入之數○庫部掌軍器儀仗鹵簿法式隨軍
防城什物及凡供帳之事

宋史職官志兵部掌兵衛儀仗鹵簿武舉民兵廂軍土軍
蕃軍四夷官封承襲之事輿馬器械之政天下地土之圖
凡儀衛鹵簿皆掌其數及行列先後之儀爲圖以授有司
凡武選之制倣貢舉之法先聯其什伍而教之以戰爲民
兵材不中禁衛而足以執役爲廂軍就其鄉井募以禦盜
爲土軍以老疾而裁其功力之半爲刺員團結以禦戎爲
洞丁爲義軍弩手屬羌分隸邊將爲蕃兵籍其名數而頒
其禁令凡招置廂禁軍及州郡屯營三衙遷補守戍軍吏
轉補文武官白直宣借皆掌之其屬三曰職方曰駕部曰
庫部舊判部事一人以兩制充元豐設官十尚書侍郎各
一四司郎中員外郎各一元祐初省駕部郎中一員以職

方兼庫部紹興改元詔職方庫部互置郎官一員兼○尚書掌兵衛武選車輦甲械廩牧之政令以天下郡縣之圖而周知其地域凡陳鹵簿設仗衛飭官吏整肅蕃夷除授奉行其制命凡軍兵以名籍統隸者閱習按試選募遷補及武舉校試之事皆總之侍郎爲之貳郎中員外郎參掌之分案九置吏四十有七建炎三年分案十曰賞功曰民兵衛曰廂兵曰人從看詳曰帳籍告身曰武舉曰蕃官曰開拆曰知雜曰檢法乾道裁減吏額共置三十人○職方郎中員外郎掌天下圖籍以周知方域之廣袤及郡邑鎮砦道里之遠近凡土地所產風俗所尚具古今興廢之因州之爲籍遇閏歲造圖以進分案二置吏五舊判司事一

人以無職事朝官充紹熙三年職方駕部吏額通入兵部庫部併作四十二人○駕部郎中員外郎掌輿輦車馬驛置廩牧之事大禮戒有司具五輅凡奉使之官赴闕視其職治給馬如格官文書則量其遲速以附步馬急遞總內外監牧籍其租入多寡孳產登耗凡市馬於四夷者溢歲額則賞之分案六置吏十有三○庫部郎中員外郎掌鹵簿儀仗戎器供帳之事國之武庫隸焉凡內外甲仗械器造作繕修皆有法式若御大慶文德殿應用鹵簿名數前期以戒有司祭祀喪葬則給以等差總衛尉寺金吾仗司兵匠之數考其功罪歲月而以法升降之分案四置吏九容齋隨筆元豐官制行一切更改凡選事無論文武悉以

付吏部

案蘇頌行狀云唐制文選吏部掌之武選兵部掌之神宗謂自三代至漢未嘗有文武之別頌請一

歸吏部蘇東坡當元祐中拜兵書謝表云恭惟先帝復六

卿之名本欲後人識三代之舊古今殊制閒劇異宜武選

隸於天官兵政總於樞府故司馬之職獨省文書蓋紀其

實也今本曹所掌惟諸州廂軍名籍及每大禮則書寫蕃

官加恩告雖有所轄司局如金吾街仗司騏驎車輅象院

法物庫儀鸞司不過每季郎官一往耳名存實亡一至於

是

永樂大典宋百官題名記建炎中省冗職以兵部郎中并

兼職方司

山堂考索建炎三年以駕部兼庫部隆興改元復裁內外

官於是駕部又當省而郎適贊讀王府有詔聽畱需其遷

勿補闕而兵部四曹止一員

謹案宋以樞密院主軍政武選又并歸吏部於是兵部

遂為冗員長貳多不備官郎曹至以一人行四司之事

宋代官制最為紊雜無緒此亦其名實乖互之一端也

遼

遼史百官志契丹北樞密院掌兵機武銓羣牧之政凡契

丹軍馬皆屬焉以其牙帳居大內帳殿之北故名北院元

好問所謂北衙不理民是也○北院樞密使○知北院樞

密使事○知北樞密院事○北院樞密副使○知北院樞

密副使事○同知北院樞密使事○簽書北樞密院事○

北院都承旨。北院副承旨。北院林牙。知北院貼黃。給事北院知聖旨頭子事。掌北院頭子。北樞密院。敝史。北院郎君。北樞密院通事。北院掾史。

謹案遼北樞密院視兵部今繫之於表以存其制至南面官僚史志略而不詳惟興宗重熙中見兵部侍郎王觀又有庫部員外郎見於百官志序知其建置亦多仍唐舊也

金

金史百官志兵部尚書一員正三品侍郎一員正四品郎中一員從五品員外郎二員從六品掌兵籍軍器械隍鎮戍廩牧舖驛車輅儀仗郡邑圖志險阻障塞遠方歸化之

事王事二員從七品貞祐五年以承發司管勾兼漢人主事令史二十七人內女直十二人譯

史二人通事二人四方館使正五品副使從六品掌提控諸路驛舍驛馬承發司管勾從七品同管勾從八品掌受發省

部及外路文字右屬尚書兵部

謹案驛站之設所以通達軍情傳宣號令關係非輕溯其由來蓋自周之盛時已有其制考爾雅釋言云驛遽傳也郭璞註皆傳車驛馬之名春秋僖二十三年左傳云使遽告於鄭文十六年云楚子乘驛會師於臨品成五年云晉侯以傳召伯宗襄二十一年云祁奚乘駟而見宣子襄二十七年云子木使驛謁諸王襄二十八年云吾將使驛奔問諸晉昭二年云子產懼弗及乘遽而

至昭五年云楚子以驛至於羅汭曰驛曰駟曰遽互見者不一杜預皆以爲傳車而釋文則稱以車曰傳以馬曰遽顧炎武謂國語晉文公乘駟會秦伯呂氏春秋齊君乘駟追晏子皆事急不暇駕車而單乘驛馬據此是春秋時已兼有驛車驛馬特當日牧政天子十有二閑邦國六閑皆以供朝覲會同及軍事之用而戎馬之在邱甸者則民自備之其驛傳之馬未知從何供用疑卽當在邱甸所出戎馬之數爲鄉師所屬故未嘗別設官以治之也漢書高祖本紀乘傳詣雒陽如淳曰律四馬高足爲置傳四馬中足爲馳傳四馬下足爲乘傳一馬一二馬爲輶傳急者乘一乘傳師古曰古者以車謂之傳

車其後又單置馬謂之驛騎鄭當時傳常置驛馬長安諸郊王溫舒傳爲河內太守令郡具私馬五十匹爲驛自河內至長安此雖二人私置然可見漢代之驛亦車馬兼用故其時外臣入朝皆由驛谷永傳歲竟乘傳奏事是也罪人發遣亦由驛淮南厲王傳載以輜車令縣次傳是也降人赴關亦由驛汲黯傳匈奴畔其主降漢徐以縣次傳之是也獨百官公卿表內不見有主驛傳之官據賈山至言云省廢馬以賦縣傳昭帝本紀元鳳二年詔省乘輿馬及苑馬以補邊郡三輔傳馬則是漢代驛馬但屬之郡縣而不隸於京師自後史無明文北齊駕部雖有掌車輿牛馬廩牧之語亦不及驛傳至於

唐世始以駕部郎中員外郎主郵驛之事在外則以都督刺史上佐內之兵曹參軍掌之而縣令兼綜焉相沿至今而郵政遂為兵部之專司矣至驛之置於京師者在唐則為都亭驛長安志都亭驛在朱雀門外西街含光門北來第二坊通鑑王行瑜殺韋昭度李谿於都亭驛是也五季及宋並同胡三省通鑑註晉天福五年改東京上源驛為都亭驛契丹國志宋館遼使於都亭驛蓋如今兵部馬館而不間有管驛之員疑其事即併領於駕部宋代雖有都亭驛監官而所司乃接待使人不關郵政今已別載入會同四驛館表內惟金之四方館使承發司管勾明之會同館大使隸屬兵部正當今馬館之職元代置通政院於大都上都以典驛站雖品秩較崇而所掌亦為相近謹於馬館監

督表下列此三條以明治革而前代則概從其略云

元

元史百官志兵部尚書二員正三品侍郎二員正四品郎中二員從五品員外郎二員從六品掌天下郡邑郵驛屯牧之政令凡城池廢置之故山川險易之圖兵站屯田之籍遠方歸化之人官私芻牧之地馳馬牛羊鷹隼羽毛皮革之徵驛乘郵運祇應公廨阜隸之制悉以任之世祖中統元年以兵刑工為右三部置尚書二員侍郎二員郎中五員員外郎五員總領三部之事至元元年別置工部以兵刑自為一部尚書四員侍郎三員郎中如舊員外郎五員二年併為右三部五年復為兵刑部尚書二員省侍郎

二員郎中如故員外郎一員七年始列六部尚書一員侍郎仍舊郎中一員員外郎仍一員明年又合為兵刑部十三年復析兵部二十三年定尚書侍郎郎中員外郎以二員為額至治三年增尚書一員主事二員蒙古筆且齊解見吏部解見二人合史十四人回回令史一人克埒穆爾齊解見吏部解見二人奏差八人典吏三人

謹案元史百官志有左三部照磨掌吏戶禮三部錢穀計帳之事其職蓋如今之司務已別著之吏部篇而右三部無之疑史文脫漏也至宋金元左右司都事主事為今司務堂主事之職其屬左司者已入吏戶禮三部表中今以屬右司者析入兵刑工三部謹發其凡於此

而諸史原文則不復復載云

事文類聚大元兵部令史分掌名頭儀仗為舊庫部緊慢置舖驛走遞馬數承發司文字車輅合給牌劄廩牧為舊駕部

元史百官志通政院秩從二品國初置驛以給使傳至元七年初立諸站都統領使司以總之設官六員十三年改通政院十四年分置大都上都兩院二十九年又置江南分院大德七年罷至大元年陞正二品四年罷以其事歸兵部是年兩都仍置延祐七年復從二品大都院使四員同知二員副使二員僉院一員同僉一員院判一員經歷一員都事一員照磨兼管勾承發架閣一員上都院使同

知副使僉院判官各一員經歷都事各一員

明

明史職官志兵部尚書一人正二品左右侍郎各一人正三品

其屬司務廳司務二人從九品武選職方車駕武庫四清吏

司各郎中一人正五品正統十年增設武選職方二司郎

人萬麻九員外郎一人從五品正統十年增設武選司員

年並革員外郎一人後俱革嘉靖十二年主事二人正六品洪武宣

年增設職方司員外郎一人正統十四年增設車駕武

庫二司主事各一人後革萬麻十一年又增設車駕司主

事一所轄會同館大使一人正九品副使二人從九品大通關

大使副使各一人俱未入流尚書掌天下武衛官軍選授簡練

之政令侍郎佐之武選掌衛所土官選授陞調襲替功賞

之事歲凡六選有世官有流官世官九等流官八等以世

官陞授或由武舉用之軍政五年一考選先期撫按官上

功過狀覆核而去留之以貼黃徵圖狀以初績徵誥勅以

效功課將領以比試練卒徒以優養恩故絕以褒恤勵死

戰以寄祿馭恩倖以殺降失陷避敵激叛之法肅軍機以

典刑敗倫行劫退陣之科斷世祿職方掌輿圖軍制城隍

鎮戍簡練征討之事凡天下地里險易遠近邊腹疆界俱

有圖本三歲一報與官軍車騎之數偕上凡軍制內外相

維武官不得輒下符徵發各統其官軍以聽征調守衛朝

貢保塞之令以時修浚其城池而閱視之征討請命將出

師懸賞罰調兵食紀功過以黜陟之以堡塞障邊徼以烽

職官考卷十二
三
火傳聲息以關津詰姦細以緝捕弭盜賊以快壯簡鄉民以勾解收充抽選併豁疏放存恤之法整軍伍車駕掌鹵簿儀仗禁衛驛傳殿牧之事凡鹵簿大駕丹陛駕武陳駕皆辨其物數以授所司凡侍衛御殿全直常朝番直凡郵傳在京師曰會同館在外曰驛曰遞運所皆以符驗關券行之凡馬政其專理者太僕苑馬二寺稽其簿籍以時程其登耗惟內殿不會武庫掌戎器符勘尺籍武學薪隸之事凡內外官軍有征行移工部給器仗籍紀其數制勅下各邊徵發及使人出關必驗勘合軍伍缺下諸省府州縣勾之初洪武元年置兵部六年增尚書一人侍郎一人置總部駕部并職方三部設郎中員外郎主事如吏部之數

十三年陞部秩設尚書侍郎各一人又增置庫部爲四屬部部設郎中員外郎主事各一人十五年增設侍郎一人二十二年改總部爲司馬部二十九年定改四部爲武選職方車駕武庫四清吏司惟職方仍舊名景泰中增設尚書一人協理部事天順初罷隆慶四年添設侍郎二人尋罷萬曆末年復置

謹案明代設有協理京營戎政一人或兵部尚書或兵部侍郎或右都御史蓋時以武臣總督京營故以文臣爲協理皆另給關防專理戎政不釐部務中間亦屢有裁革乃別爲額闕非本部常置之正官今故不著於表又案明初兵制內領之五軍都督府外則統之都司而

有事則別選侯伯爲總兵官以主征伐原不專隸中樞自英憲以還承平日久軍伍廢弛而兵政遂盡歸之兵部每遇疆場有警則調兵撥餉及戰守機宜皆惟兵部是聽武臣自專閫以下均受節制黜陟進退罔不由之總兵官領勅至長跪部堂而弁帥奔走盡如鈴卒其權甚重故當時號爲本兵而受任者多非其人甚或借以營私填窟諸邊將率多執袴資緣得官以嚴疆重寄付之債帥之手至於冒占軍伍尺籍空虛一旦羽檄紛馳輒搶攘周章毫無調度卽有一二果銳敢戰者又爲部符所格東西牽掣坐失事機遇敵卽形挫衄明之諸帝旣委其責於兵部一切仰成及敗事債轅則又歸咎部臣重加刑戮如丁汝夔陳新甲等皆至伏誅西市死非其罪其他亦竄謫不絕良由措置乖方故兵威益以不振我

朝武功赫濯軍令嚴明四征不庭無不恪承

謨略初置議政大臣以參承軍事籌畫自雍正初年以來復

設辦理軍機事務處凡當

命將出師征勦情形皆令以郵函直達

聖神燭照洞悉機宜軍機大臣承

旨書宣帥臣等仰憑

授算所至悉迅奏膚功兵部之職不過稽覈額籍考察弁員而已蓋惟

聖武布昭

樞鈐獨運故能指揮萬里如在戶庭洵非臣下之所克裨贊

萬一也

太倉錢清詒初校

南海桂 玷覆校

番禺陶福祥再覆校

欽定歷代職官表卷十二

欽定歷代職官表卷十三

刑部表

三代	夏 <small>司寇</small> 殷 <small>司寇</small> 周 <small>秋官大司寇</small>
秦漢	尚書 <small>三公曹二千石</small> 分曹 <small>尚書曹</small>
三國	三公 <small>尚書</small> 都官 <small>尚書</small>
北魏	都官 <small>尚書</small>
北齊	都官 <small>尚書</small>
後周	大司寇 <small>都官</small>
隋	刑部 <small>尚書</small> 都官 <small>尚書</small>
唐	刑部 <small>尚書</small> 都官 <small>尚書</small> 秋官 <small>尚書</small> 憲部 <small>尚書</small>
五代	刑部 <small>尚書</small> 都官 <small>尚書</small>
宋	刑部 <small>尚書</small> 都官 <small>尚書</small>
遼	刑部 <small>尚書</small> 都官 <small>尚書</small>
金	刑部 <small>尚書</small> 都官 <small>尚書</small>
元	刑部 <small>尚書</small> 都官 <small>尚書</small>
明	刑部 <small>尚書</small> 都官 <small>尚書</small>

職官表卷十三 刑部表

廣雅書局

郡王及大學士奉

命管理部務皆由

特簡無常員

左右侍郎滿洲漢人各一人

掌迪播祥刑以貳尚書順治元年定額

直隸清吏司郎中滿洲漢人各一人員外郎滿洲一人蒙古一人漢人二人主事滿洲漢人各一人

掌順天直隸及八旗游牧察哈爾左翼

正黃東半旗鑲黃正白鑲白正藍四

旗所屬刑名初為右現審司乾隆二年改置直隸司設官

如今額

謹案初制刑部設江南等十四司康熙三十八年增置

督捕前後司為十六司雍正元年增置左右二現審司

凡囚繫之待讞者則主其鞠訊之事十一年析江南司

為江蘇安徽二司併督捕前後司為一乾隆二年改右

現審司為直隸司七年復改左現審司為奉天司始定

為十八司司屬初置理事官六員副理事官八員順治

元年改定滿洲郎中六人員外郎八人主事十有四人

漢軍郎中四人員外郎十有二人漢人郎中員外郎主

事每司一人五年增置滿洲郎中八人員外郎十人十

五年省漢人員外郎主事各四人十八年增置蒙古員

外郎八人康熙元年仍省五十七年增置蒙古郎中員

外郎主事各一人雍正三年復置漢人員外郎主事各

四人五年罷漢軍員額增漢人郎中三人員外郎一人
其續置各司員額亦俱隨時增設凡額官闕則總其數
三分計之以其二牒吏部除授而畱其一由堂官遴選
奏請擢補焉

奉天清吏司郎中蒙古一人漢人一人員外郎滿洲漢人各一人
主事滿洲漢人各一人

掌

盛京黑龍江吉林將軍及奉天府所屬刑名兼宗人府理藩
院文移關白之事初爲左現審司乾隆七年改置奉天司
設官如今額

江蘇清吏司郎中滿洲漢人各一人員外郎滿洲二人漢人一
人主事滿洲漢人各一人

掌江蘇所屬刑名凡奉

德音肆眚則審定其條格而頒之于四方初爲江南司雍正十
二年析置江蘇及安徽二司設官如今額

安徽清吏司郎中滿洲漢人各一人員外郎滿洲漢人各一人
主事滿洲漢人各一人

掌安徽所屬刑名兼鑲紅旗文移關白之事雍正十二年
以江南司析置設官如今額

江西清吏司郎中滿洲漢人各一人員外郎滿洲漢人各一人
主事滿洲漢人各一人

掌江西所屬刑名兼正黃旗中城御史文移關白之事

福建清吏司郎中滿洲漢人各一人員外郎滿洲漢人各一人
主事滿洲漢人各一人

掌福建所屬刑名兼戶部戶科倉場衙門左右兩翼鑲藍
旗文移關白之事

浙江清吏司郎中滿洲漢人各一人員外郎滿洲一人漢人二
人主事滿洲漢人各一人

掌浙江所屬刑名及都察院刑科南城御史文移關白之
事兼司本部條奏彙題及各司爰書駁正者會其成比年
一奏

湖廣清吏司郎中滿洲一人漢人二人員外郎滿洲二人漢人
一人主事滿洲漢人各一人

掌湖北湖南所屬刑名

河南清吏司郎中滿洲漢人各一人員外郎滿洲二人漢人一
人主事滿洲漢人各一人

掌河南所屬刑名兼禮部禮科太常寺光祿寺鴻臚寺國
子監欽天監太醫院東城御史正紅旗文移關白之事凡
夏令熱審則布告各司頒行天下欽卹如制

山東清吏司郎中滿洲漢人各一人員外郎滿洲二人漢人一
人主事滿洲漢人各一人

掌山東所屬刑名兼兵部兵科太僕寺文移關白之事凡
步軍營捕獲盜窩歲登其數請敘

山西清吏司郎中滿洲漢人各一人員外郎滿洲漢人各一人

主事蒙古一人漢人一人

掌山西及八旗游牧察哈爾右翼正黃西半旗正紅鑲紅鑲藍三旗定邊

左副將軍綏遠城將軍歸化城副都統科布多大臣庫倫

大臣所屬刑名兼軍機處內閣翰林院詹事府

起居注館內務府上駟院武備院鑲白旗北城御史文移關

白之事

陝西清吏司郎中滿洲一人漢人二人員外郎滿洲二人漢人

一人主事滿洲漢人各一人

掌陝西甘肅及伊犁烏魯木齊塔爾巴哈台葉爾羌喀什

噶爾烏什阿克蘇庫車土爾番哈爾沙爾和闐哈密所屬

刑名兼大理寺西城御史文移關白之事並稽覈囚糧出

納俾無侵冒

四川清吏司郎中滿洲漢人各一人員外郎滿洲漢人各一人

主事滿洲漢人各一人

掌四川所屬刑名兼工部工科文移關白之事秋審則會

九卿詹事科道于朝房以定爰書

廣東清吏司郎中滿洲漢人各一人員外郎滿洲二人漢人一

人主事滿洲漢人各一人

掌廣東所屬刑名兼鑾儀衛正白旗文移關白之事

廣西清吏司郎中滿洲漢人各一人員外郎滿洲漢人各一人

主事滿洲漢人各一人

掌廣西所屬刑名兼通政使司文移關白之事及以時散

給囚衣

朝審則會九卿詹事科道于朝房以定爰書

雲南清吏司郎中滿洲漢人各一人員外郎滿洲漢人各一人
主事滿洲漢人各一人

掌雲南所屬刑名兼鑲黃旗文移關白之事

貴州清吏司郎中滿洲漢人各一人員外郎滿洲漢人各一人
主事滿洲漢人各一人

掌貴州所屬刑名兼吏部吏科正藍旗文移關白之事

督捕清吏司郎中滿洲漢人各一人員外郎滿洲一人主事滿
洲漢人各一人

掌八旗及各省駐防逃人之事初隸兵部督捕衙門康熙

三十八年始以督捕前後司及督捕廳改隸刑部雍正十
二年罷督捕前司及督捕廳併其事于後司仍省後字但
曰督捕司

堂主事滿洲五人漢軍一人

掌文案者滿洲二人掌章奏者滿洲三人漢軍一人俱順

治元年定額

司務廳司務滿洲漢人各一人

順治元年定額掌巡察出入約束胥隸凡直省解囚投文
登其數給以批迴訟者收其狀呈堂分司聽之

筆帖式滿洲百有五人蒙古四人漢軍十有五人

滿洲筆帖式初置九十六人後增置九人蒙古筆帖式乾

隆二年置漢軍筆帖式初置十有九人後省四人俱分隸

各司視事之繁簡以為額

職事見吏部篇

提牢主事滿洲漢人各一人北所司獄滿洲二人漢軍漢人各

一人南所司獄滿洲二人漢軍漢人各一人

從九品

主事掌稽覈罪囚于額外及試俸主事內掄選引

見補充歲周更代咨吏部議敘司獄分掌南北監禁督禁卒更

夫晝夜巡警凌虐需索者問如法順治元年置漢軍漢人

司獄四人康熙五十一年增置滿洲司獄四人三年而代

咨吏部敘陞如例又置官醫二人分隸南北所以療囚之

疾病

贓罰庫司庫滿洲一人庫使滿洲二人

掌收見審贓罰銀錢會其數以送戶部順治元年置額

律例館總裁無定員提調官一人纂修官四人收掌官四人繙

譯官四人謄錄官六人

掌修明法令刊定條式隨時審訂以詔有司設館西長安

門外總裁以本部尚書侍郎兼之提調纂修官以本部司

員充收掌繙譯謄錄官以本部筆帖式充凡歲五周則彙

輯而排次之謂之小修比十年迺重編新格增損刪定勒

為憲典頒行天下謂之大修皆月給餐錢期年而畢初順

治二年特置律例館

勅修律官撰定律書四年書成名曰大清律集解附例其後次第

刊修皆

特簡王大臣爲總裁以各部院通習法律者爲提調纂修等官凡額設十有八人乾隆七年始以其館併隸刑部復改定員額如今制焉

謹案定制錄直省獄囚曰秋審錄刑部獄囚曰朝審歲以八月刑部會九卿詹事科道于

天安門外金水橋西公閱其爰書而覈定之初以四川廣西兩司分掌案牘雍正十二年始別選司屬滿洲漢人各二員主其事曰總辦秋審處尋佐以協辦者四員歲滿則交替乾隆十九年以後凡核直省審冊辨實緩矜疑之當否以白于長官皆以總辦司員任之先後增置十六人學習者無定員其職雖出堂官掄派而專司秋

讞所繫甚重謹識于此

歷代建置

三代

尚書舜典帝曰皋陶蠻夷猾夏寇賊姦宄汝作士五刑有服五服三就五流有宅五宅三居惟明克允

謹案虞廷以皋陶爲士孔穎達謂卽周禮之士師鄭康成云士察也主察獄訟之事三代刑官其源蓋本于此然考漢書胡建傳引黃帝李法蘇林曰獄官名也顏師古曰李者法官之號總主征伐刑獄之事是其官已起于黃帝時故孔安國傳以士爲理官鄭康成禮記月令註則云有虞氏曰士夏曰大理周曰大司寇雖稱名不

同其實一也自周官既廢秦漢乃專置廷尉大理以主
刑獄至隋唐復設刑部以當周司寇之職而大理仍並
置不廢其職名遂分爲二矣今以周秋官之屬及歷代
尚書諸曹繫諸刑部表內而理官沿革則別載入大理
寺篇名實相承庶有條而不紊焉

孔穎達禮記疏鄭注大傳夏書所謂六卿有作士

謹案尚書言汝作士者乃指皋陶爲士師之官與上文
伯禹作司空汝作司徒同義並非以作士兩字爲官名
王莽妄引經義改大理曰作士水衡都尉曰朕虞殆于
不識句讀康成乃以亡新官號傅會夏官此漢人說經
之陋不足據也

尚書洪範三八政六曰司寇

禮記曲禮天子之五官曰司寇鄭康成注此殷時制也

謹案箕子陳禹九疇而稱司寇之官此可考見夏殷之
制實有此職曲禮鄭注所云並非鑿空矣

尚書周官司寇掌邦禁詰姦慝刑暴亂

春秋左氏傳昔周克商使諸侯撫封蘇忿生以溫爲司寇

春秋左氏傳康叔爲司寇
孔安國書傳司寇第五衛侯爲之

尚書序呂命穆王訓夏贖刑作呂刑
孔安國傳呂侯見命爲天子司寇後爲甫

侯故稱甫刑

謹案司寇本李官管子五行篇昔者黃帝得六相而天
地治又云春者土師也夏者司徒也秋者司馬也冬者

李也蓋李卽周之司寇春秋襄三年左氏傳魏絳曰請歸死于司寇荀子曰防淫除邪戮之以五刑使暴悍以變姦邪不作司寇之事也此雖春秋戰國猶存周禮舊名顧其時稱名亦多錯雜呂氏春秋管子復于桓公曰平原廣城車不結軌士不旋踵鼓之三軍之士視死如歸臣不若王子城父請置以爲大司馬決獄折中不殺不辜不誣無罪臣不若弦章請置以爲大李注大李治獄官以大李對大司馬則大李之爲大司寇明矣淮南子天文訓何謂五官東方爲由南方爲司馬西方爲理北方爲司空中央爲都南方旣爲司馬北方旣爲司空則西方之理卽爲司寇明矣其以理爲司寇與呂覽同

皆舉二代以前之官名周官也至商子慎法篇天子置三法官殿中置一法官御史置一法官及吏丞相置一法官所謂殿中置一法官不知何官其云殿中則又與司寇職掌不合至司寇于周爲秋官而管子五行篇以司馬爲秋官李爲冬官均異周制百家殊說不合經典姑識于此以備參考焉

周禮秋官刑官之屬大司寇卿一人小司寇中大夫二人士師下大夫四人鄉士上士八人中士十有六人旅下士三十有二人府六人史十有二人胥十有二人徒百有二十人送士中士十有二人府六人史十有二人胥十有二人徒百有二十人縣士中士三十有二人府八人史十有

職官考卷十三
六人胥十有六人徒百有六十八人方士中士十有六人府
八人史十有六人胥十有六人徒百有六十八人詔士中士
八人府四人史八人胥八人徒八十八人司刑中士二人府
一人史二人胥二人徒二十人司刺下士二人府一人史
二人徒四人司厲下士二人史一人徒十有二人司圜中
士六人下士十有二人府三人史六人胥十有六人徒百
有六十人掌囚下士十有二人府六人史十有二人徒百
有二十人掌戮下士二人史一人徒十有二人司隸中士
二人下士十有二人府五人史十人胥二十人徒二百人
大司寇之職掌建邦之三典以佐王刑邦國詰四方以五
刑糾萬民凡諸侯之獄訟以邦典定之凡卿大夫之獄訟

以邦灋斷之凡庶民之獄訟以邦成弊之小司寇之職以
五刑聽萬民之獄訟附于刑用情訊之至于甸乃弊之以
八辟麗邦灋附刑罰以三刺斷庶民獄訟之中士師之職
掌國之五禁之灋以左右刑罰察獄訟之辭以詔司寇斷
獄弊訟致邦令掌士之八成鄉士掌國中各掌其鄉之民
數而糾戒之聽其獄訟察其辭辨其獄訟異其死刑之罪
而要之甸而職聽于朝司寇聽之斷其獄弊其訟于朝羣
士司刑皆在各麗其灋以議獄訟獄訟成士師受中協日
刑殺肆之三日若欲免之則王會其期遂士掌四郊聽其
獄訟二甸而職聽于朝縣士掌野聽其獄訟三甸而職聽
于朝方士掌都家聽其獄訟之辭三月而上獄訟于國詔

士掌四方之獄訟諭罪刑于邦國四方有亂獄則往而成之司刑掌五刑之灋以麗萬民之罪司刺掌三刺三宥三赦之灋以贊司寇聽獄訟司厲掌盜賊之任器貨賄辨其物皆有數量賈而揭之人于司兵其奴男子入于罪隸女子入于春槩司圜掌收教罷民掌囚掌守盜賊掌戮掌斬殺賊謀而搏之凡殺其親者焚之殺王之親者辜之凡殺人者路諸市肆之三日刑盜于市凡罪之麗于灋者亦如之司隸掌五隸之灋辨其物而掌其政令

謹案周禮諸官列職紛繁以今六部之制相準不能一一脗合惟秋官專掌獄訟自士師以迄司隸皆理刑之官故與今刑部職掌相符者爲最多如士師爲士官之

長而其下有鄉士以主六鄉之獄有遂士以主六遂之獄有縣士以掌外野之獄有方士以掌都家之獄有訝士以掌四方諸侯之獄皆隨地設官以治之今之按省分司以治庶獄者正同此意至司刑司刺掌五刑三刺之法以詔司寇則如今之律例館秋審處司圜掌囚掌戮則如今之提牢廳司獄司而司隸掌五隸司厲掌罪隸卽唐宋都官郎中員外郎所自出雖其職已散入各司然亦刑部所有事也惟唐宋司門郎中員外專掌門關往來之籍賦唐六典以地官司門之職當之自明以來其職事併入戶兵二部久不隸于刑部今仍載司門一曹以存沿革而不復遠溯周制用符其實云

唐六典刑部尚書周之秋官卿也侍郎周之秋官小司寇中大夫也周禮大司寇屬官有士師下大夫蓋郎中之任也有司屬下士蓋都官員外郎之任也

漢

杜佑通典漢成帝時尚書初置二千石曹主郡國二千石又置三公曹主斷獄後漢光武改三公曹主歲盡考課諸州郡政二千石曹掌中都官水火盜賊詞訟罪法亦謂之賊曹重于諸曹華譚集尚書二曹論曰劉道貞謂漢氏重賊曹為是吳晉重吏部為非薛君曰君何是古而非今劉難曰賊曹職典刑獄難精是以欲重之答曰今之賊曹不能聽聲觀色以別真偽縣不能斷獄之尚書也夫在獄者率小人在朝者率君子小人易檢君子難精俱不得已吏部宜重賊曹宜輕也冊府元龜漢有大獄則令雜治如王嘉致都船詔獄使將

軍以下與二千石雜治之類也其次即令就問如廷尉請捕衡山王遣中尉大行即問之類也其當罪又令雜議如淮南王所犯不軌丞相御史宗正廷尉雜奏又詔列侯吏二千石議是也

漢書百官公卿表宗正有都司空令丞如淳曰主罪人少府有若

盧令丞如淳曰漢儀注有若盧獄令中尉有都船令丞如淳曰漢儀注有都船獄令

後漢書和帝本紀永元九年復置若盧獄官

謹案漢書宣帝紀遣使者分條中都官獄師古曰中都官凡京師諸官府也後漢志稱孝武帝以下置中都官獄二十六所各令長名今以紀傳核之其可考見者如宗正所屬有都司空獄竇嬰傳劾繫都司空伍被傳偽為左右都司空詔獄書內

官獄

東方朔傳

少府所屬有導官獄

張湯傳其弟繫導官師古曰或權寄

在此非

若盧獄

李賢後漢書注若盧獄主鞠將相大臣

考工獄

劉輔傳繫共工獄蘇

林曰考

居室獄

灌夫傳繫居室後改保

掖庭獄

師古曰漢舊儀

工也

暴室獄

師古曰暴室職務既多因置獄

掖庭獄

師古曰漢舊儀

掖庭詔獄令

暴室獄

師古曰暴室職務既多因置獄

掖庭獄

師古曰漢舊儀

丞宦者為之

暴室獄

師古曰暴室職務既多因置獄

掖庭獄

師古曰漢舊儀

名

中尉所屬有都船獄

說見

鴻臚所屬有別火獄

如漢

儀注有別

郡邸獄

師古曰漢舊儀郡邸獄治天

當時皆

謂之詔獄各置令丞等官其罪人就繫者則謂之中都

官囚徒

劉屈氂傳發長安中都官囚徒

而廷尉專掌刑法獨不聞有獄

官考王嘉傳嘉得罪有詔假謁者節召丞相詣廷尉詔

獄嘉隨使者詣廷尉廷尉收嘉丞相新甫侯印綬縛嘉

載置都船詔獄是嘉當下廷尉詔獄而廷尉乃縛送都

船足知當日中都官諸獄皆以繫廷尉罪人故本署轉

無專獄辭宣傳載宣為廷尉書佐都船獄吏亦可見諸

獄皆屬廷尉故吏職得互相遷補也後漢惟廷尉及雒

陽有獄而和帝復置若盧獄官不言所屬考安帝紀永

初二年皇太后幸雒陽寺及若盧獄錄囚徒賜河南尹

廷尉卿及官屬有差雒陽屬河南則若盧亦當屬廷尉

矣今廷尉沿革雖已別載大理寺表而獄制專隸刑部

故取都司空若盧都船三令丞繫之于此以著提牢司

獄設官之權輿又二千石曹初主郡國二千石三公曹

後改主考課今據其職掌亦互見吏部表內云

三國

鄭樵通志魏青龍二年置都官郎掌刑法獄訟之事

冊府元龜魏置定科郎主定法令都官郎主軍事刑獄定科

又作定課

太平御覽何貞奏許都賦明帝奇之擢為都官郎中

晉書職官志魏尚書有二千石郎

孫逢吉職官分紀魏尚書郎有比部

謹案前代法令之書在漢以後有二曰律令諸家漢書註所引有漢律又有令甲令乙令丙杜周傳云前主所是著為律後主所是疏為令是也在唐有四曰律令格式新唐書刑法志謂令者尊卑貴賤之等數國家之制度格者百官有司所常行之事式者具所常守之法凡

邦國之政必從事于此三者其有所違及人之為惡而入于罪戾者一斷以律是也在宋亦有四曰勅令格式乃沿唐之舊而自律以外又增勅為四也參稽厥制律為律之政文而勅令格式則如今各部院衙門之則例歷代統其事於刑曹凡罪人之麗辟及職官之案劾者皆據此平決蓋今刑部之議罪與吏兵二部之議處其職掌本同在法官晉書刑法志載裴頠奏有尚書免皆在法外刑書之文有限舛違之故無方故有臨時議處今案贖承用之議處二字其源實始于此之文誠不能皆得循常云云此罰至罷免亦由刑官議處之明證隋唐始于吏部置考功一曹而所司惟考績黜陟之令其他論劾仍不與焉唐

六典稱九品已上犯除免官者大理詳而質之以上刑部其事尚在法官至明以內外彈章付之考功定擬武官功過亦歸武選于是官司過失至革職以下者其核議之事乃悉屬吏兵二部而不在法司矣今以定科刪定兩郎專掌修定法令隋志載陳沈洙以議獄不同請牒送刪定曹詳改前制即如今之纂入實兼有今刑部律例館吏兵二部則例館之任故既載入吏部篇而仍互見于此至比部郎起自曹魏而唐以後則專司勾覆倉庫出納百官俸料乃如今戶科給事中及江南道御史之磨勘註銷並不預刑名之事其職久與刑部無涉顧炎武日知錄云周禮小司徒三年大比則受邦國之比要註大比謂使天下更簡閱

民數及其財物也唐時刑部有刑比都官司門四曹唐書職官志比部掌周知內外之經費而總勾之楊炎傳天下財賦皆納左藏庫尚書比部覆其出入宋史職官志比部掌勾覆中外帳籍考其陷失而理其侵負山堂考索會計逋欠每三月一比爲之比部故昔人有刑罰與賦歛相爲表裏之說今四曹改爲十三司而財計之不關刑部久矣乃猶稱郎官爲比部何耶炎武之說誠爲詳核然考宋隋二志皆稱比部主法制則比字當亦取律例相比況之義如漢志所云決事比者蓋自唐以後始失其職耳今以歷代皆屬刑部故仍繫之于表而具論其職掌之不同者如右

晉

通典晉復置三公尚書掌刑獄

唐六典晉太康中省三公尚書以吏部尚書兼掌刑獄

晉書職官志晉受命置三公比部都官二千石曹郎

宋書百官志晉西朝則有三公比部都官曹郎

謝維新合璧事類魏有定科郎晉賈充定律令以裴楷為之

謹案晉書職官志稱武帝罷定課郎郎定而謝維新乃

謂晉時裴楷為之頗不相合今考楷本傳其為定科郎

尚在魏世至晉初定律令時則楷已為散騎侍郎維新

誤以為晉事蓋失于詳檢也

唐六典晉令有獄左右丞各一人

宋齊梁陳

宋書百官志宋高祖初增都官尚書太祖元嘉十八年增

刪定曹郎蓋魏世之定科郎也吏部尚書領刪定三公比

部曹都官尚書領都官曹比部主法制都官主軍事刑獄

通典宋三公比部皆主法制

南齊書百官志吏部尚書領刪定三公比部曹都官尚書

領都官曹

隋書百官志梁尚書省置都官尚書刪定三公比部都官

等郎陳承梁皆循其制官

唐六典宋齊並以三公郎曹掌刑獄置郎中一人梁陳因

為侍郎梁陳又置獄丞二人第七品

謹案三公曹後漢雖改主考課而自晉以迄南北朝則仍為主刑獄之官其屬之吏部者蓋以太康省三公尚書以吏部尚書兼掌刑法故三公曹郎亦歸其統轄也至二千石郎晉南渡後已罷不置史亦不詳其職掌而當時去漢未遠建置當必相同今並繫之于表云

北魏

通典後魏亦有都官尚書

唐六典獄丞後魏亦二人

魏書官氏志獄掾從第七品下

謹案後漢惟和帝置有若盧獄官而廷尉雒陽縣獄官

皆不見于史唐六典始載晉置獄丞梁陳因之魏書亦載魏置獄掾為從七品其後歷代多設是官屬于廷尉蓋當時六曹未有定制廷尉尚當秋官之職故也今大理寺已不置獄前代所為廷尉獄官其職久已歸入刑部故析繫于此以備提牢司獄之沿革焉

北齊

隋書百官志後齊置都官尚書統都官掌畿內非違得失事二千石

掌畿外得失等事比部掌詔書律令勾檢等事曹都官二千石比部各量事

置掌故主事員

唐六典三公郎曹掌刑獄北齊置郎中二人

通志北齊有三公曹掌諸曹囚帳斷罪赦日建金雞等事

屬殿中尚書

冊府元龜北齊獄丞秩百一八

後周

通典後周官品正七命大司寇正六命小司寇上大夫正五命秋官刑部中大夫正四命秋官小刑部司隸等下大夫正三命秋官小刑部司刺鄉法遂法稍法縣法畿法小司隸等上士正二命秋官司刺鄉法遂法稍法縣法畿法掌囚司厲掌罪隸掌夷隸掌蠻隸掌戎隸掌狄隸掌徒等中士正一命秋官小刑部掌囚司厲掌夷隸掌蠻隸掌戎隸掌狄隸掌徒等下士

冊府元龜後周刑部中大夫掌五刑之法附萬民之罪

馬端臨文獻通考後周有司隸下大夫掌五隸及徒者捕盜賊囚執之事

謹案周官司隸掌五隸之法本主罪人自漢武帝襲其名置司隸校尉使持節從中都官徒千二百人捕巫蠱督大姦猾後又合察三輔三河宏農乃全與周制不合今按其職掌已別繫之步軍統領衙門表內惟後周所置依仿周官復掌罪徒與漢魏以下司隸之職又殊故仍載入刑部沿革焉

隋

隋書百官志高祖受命置都官尚書統都官侍郎二人刑部比部侍郎各一人司門侍郎一人尋改都官尚書為刑

部尚書煬帝卽位六曹各置侍郎一人以貳尚書之職諸曹侍郎並改爲郎又改刑部爲憲部郎以異侍郎之名
〔通典〕隋初有都官尚書開皇二年改都官爲刑部亦因後周之名

唐六典隋置獄掾八人

謹案今刑部之名肇于後周定于隋世歷代相沿未之有改溯其本始卽南北朝之都官尚書也但考列史所載都官一曹自魏晉以後皆掌京師及畿外得失非違等事頗似漢之司隸而並無斷獄議罪之責故六典以爲非唐時都官之任推原其故蓋由魏晉諸朝尚書各曹尚不依六官分職故刑名政令自大理以外八座則

以三公吏部尚書主之郎官則以三公郎中主之而或領于吏部或領于殿中隸屬參差本無定制隋文帝改都官尚書爲刑部而省三公郎不設于是三公舊職遂悉歸于刑部曹又以都官郎改掌簿錄配沒官私奴婢并良賤詆競俘囚之事弼教之任自是始專之刑部矣今以刑部出自都官建置相因源流有在故仍繫之于表而附著其異同于此

唐

〔新唐書百官志〕刑部尚書一人正三品侍郎一人正四品下掌律令刑法徒隸按覆讞禁之政其屬有四一曰刑部二曰都官三曰比部四曰司門。刑部郎中員外郎掌律

法按覆大理及天下奏讞爲尚書侍郎之貳凡刑法之書有四一曰律二曰令三曰格四曰式凡鞫大獄以尚書與御史中丞大理卿爲三司使凡國有大赦集囚徒于闕下以聽○都官郎中員外郎掌俘隸簿錄給衣糧醫藥而理其訴免○比部郎中員外郎掌勾會內外賦歛經費俸祿公廩勳賜贖贖徒役課程逋欠之物及軍資械器和糴屯收所入京師倉庫三月一比諸司諸使京師四時勾會于尚書省以後季勾前季諸州則歲終總勾焉○司門郎中員外郎掌門關出入之籍及闕遺之物

謹案今制以刑部都察院大理寺爲三法司其名始自明代而實昉于唐之三司使其時有大獄則以刑部御

史臺大理寺爲三司使以鞫之謂之大三司使

見合璧事類

若三司所按非其長官則侍御史與刑部郎中員外郎

大理司直評事往訊之謂之小三司使

見唐職林

今凡刑部

重辟囚先以御史大理左右寺官會刑曹察其辭辨其死刑之罪而要之曰會小三法司及致辭于長官都御史大理卿迺詣刑部與尚書侍郎會聽之各麗其法以議獄曰會大三法司蓋卽其遺意也唐自中葉以後史傳所紀獄事多云三司按鞫皆指臺省寺三官而言唐六典又云三司謂御史大夫中書門下與史不符此殆開元以前之初制新唐書刑法志肅宗時陳希烈等獄以三司使劾治而通鑑所載乃御史大夫崔器禮部尚

職官表卷十三
取官表卷十三
書李峴兵部侍郎呂諲爲之亦不及刑部大理則以峴等本出西臺遷官以後仍令領三司之事耳又案魏文帝黃初六年收鮑勛付廷尉廷尉法議正刑五歲三官駁依律罰金胡三省通鑑注三官廷尉正監平也冊府元龜梁置建康縣獄三官以尚書郎爲之冠服同廷尉三官元會廷尉三官與建康三官皆法冠皂衣朝服以監東西中華門據此則執法之官以三爲數其來已久又不僅始自唐時矣

舊唐書職官志龍朔二年改刑部爲司刑都官爲司僕比部爲司計尚書爲太常伯侍郎爲少常伯郎中爲大夫咸亨元年依舊光宅元年改刑部爲秋官垂拱三年加秋官侍郎一員神龍元年詔官名並依永淳以前故事天寶十一載改刑部爲憲部比部爲司計至德二載依舊

謹案天寶中改刑部爲憲部凡行內諸司之稱部者並改之以避六部之名舊唐志所載甚詳新唐志乃謂改刑部爲司憲是誤以龍朔所改御史大夫之名屬之刑部非也

唐六典刑部主事四人令史十九人書令史二十八人亭長六人掌固十人都官主事二人令史九人書令史十二人掌固四人比部主事四人令史十四人書令史二十七人計史一人掌固四人司門主事二人令史六人書令史十三人掌固四人。獄丞四人從九品下以流外入仕者

爲之

舊唐書嚴郢列傳郢兼御史中丞御史臺奏天下斷獄自徙以下結竟者並徙置邊州郢駁奏請下刪定使詳覆然後施行從之

謹案刪定使之名職官志不載僅見于此蓋因纂集律令隨時所置之官猶今之律例館總裁也

五季

五代會要後唐長興二年八月二十九日勅刑部大理寺宜各置法直官兩人仍召曉法令者充晉天福三年三月詳定院奏前守晉州洪洞縣主簿盧粲進策伏以刑獄至重朝廷所難尚書省分職六司天下謂之會府諸道決獄

若關人命卽刑部不合不知欲請諸州府凡斷大辟罪人訖逐季將有無申報刑部仍具錄案款事節并本判官馬步都虞候司法參軍法直官馬步使判官名銜申聞或有案內情由不圓刑部請行勘覆從之

謹案盧粲進策請諸州府斷大辟罪人申報刑部仍具錄案款事節然則前此諸道州府大辟案款未嘗申報刑部矣唐刑部郎中員外郎掌集天下奏讞而五代時州府大辟案款至不申刑部于此見五代之廢弛也

冊府元龜後唐同光二年刑部尚書盧質長興二年刑部郎中周知微四年刑部侍郎任贊晉天福元年刑部郎中鄭觀六年刑部員外郎李象周廣順元年刑部員外郎曹

匪躬

謹案五季官制史志不詳今據冊府元龜所載略採一二以見刑曹建置亦多仍舊唐也冊府元龜又載後唐同光元年御史臺奏當司刑部大理寺本朝法書自朱溫刪改今見在三司收貯刑書並是僞廷之制云云周顯德五年中書門下奏三司臨時條法望令刪集送中書門下詳議聞奏云云是五季亦以刑部御史臺大理寺爲三司並同唐制矣

宋

宋史職官志刑部掌刑法獄訟奏讞赦宥敘復之事凡斷獄本于律律所不該以勅令格式定之禁於未然之謂令施於已然之謂勅設于此而使彼至之之謂格設于此而使彼效之之謂式皆闕其案狀傳例擬進其屬三曰都官曰比部曰司門設官十有一尚書一人侍郎二人郎中員外郎刑部各一人都官比部司門各一人國初以刑部覆大辟案淳化二年增置審刑院知院事一人以郎官以上至兩省充詳議官以京朝官充掌詳讞大理所斷案牘而奏之大中祥符二年置糾察刑獄司糾察官二人以兩制以上充凡在京刑禁徒以上卽時以報若理有未盡或置淹恤追覆其案詳正而駁奏之凡大辟皆錄問元豐三年八月詔省審刑院歸刑部以知院官判刑部掌詳議詳覆司事刑部主判官爲同判刑部掌詳斷司事審刑議官爲

刑部詳議官官制行悉罷歸刑部元祐元年省比部郎官一員以都官兼司門五月三省言舊制糾察在京刑獄以察違慢自罷歸刑部無復申明糾舉之制請以御史臺刑察兼領其御史臺刑獄令尚書省右司糾察從之紹聖元年詔都官司門互置郎官一員崇寧二年十二月詔刑部尚書通治左右曹侍郎一治左曹一治右曹如獨員卽通治○尚書掌天下刑獄之政令凡麗于法者審其輕重平其枉直而侍郎爲之貳應定奪審覆除雪敘復移放則尚書專領之制勘體量奏讞糾察錄問則長貳治之而郎中員外郎分掌其事有司更定條法則覆議其當否凡聽訟獄或輕重失中有能駁正詔其賞罰若頒赦宥則糾官吏

之稽違者分案十二置吏五十有二紹興後分案十三裁減吏額置二十五人○侍郎南渡長貳互置隆興常置一員淳熙十六年依崇寧專法奏獄及法令事請大理寺官赴部共議之用侍郎吳博古之說也○郎中員外郎分左右廳掌詳覆敘雪之事建炎三年刑部郎官以二員爲額關掌職事初無分異紹興二十六年詔依元豐舊法分廳治事先是右司汪應辰言刑部郎官分爲左右左以詳覆右以敘雪同僚異事祖宗有深意倘初無分異則有不當于理者孰爲追改乞遵用舊制要使官各有守人各有見參而用之以稱欽恤之意從之仍令今從倣此○都官郎中員外郎掌徒流配隸凡天下役人與在京百司吏職皆

有籍以攷其役放及增損廢置之數分案四置吏十有八
建炎三年詔比部兼司門隆興元年詔都官比部共置一
員自此都官兼比部司門之事分案五裁減吏額置十二
人清熙十三
年減三人○比部郎中員外郎掌勾覆中外帳籍凡場
務倉庫出納在官之物皆月計季考歲會從所隸監司檢
察以上比部至則覆審其多寡登耗之數有陷失則理納
鉤考百司經費有隱昧則會問同否而理其侵負舊帳案
隸三司熙寧五年置提舉帳司選人吏二百人驅磨天下
帳籍并選官吏審覆七年二月詔帳司每歲具天下財用
日出入數以聞元豐初年詔諸路財賦出入自今三年一
供著爲令官制行釐其事歸比部元祐元年七月用司馬

光奏悉總于戶部三年釐正倉部勾覆理欠憑由案及印
發鈔引事歸比部分案五置吏百有一建炎以後或都官
兼比部司門之事○司門郎中員外郎掌門關津梁道路
之禁令及其廢置移復之事應官吏軍民商販譏察其冒
僞違縱者凡諸門啟閉之節及關梁餘禁以時舉行分案
二置吏五

謹案宋制獄囚皆繫開封府司錄司及左右軍巡三院
蓋如今之順天府及五城司坊官法司僅平其讞牘未
嘗置獄至熙寧九年神宗始命置大理獄而史志並無
管獄之官疑卽以司直主簿兼其任也至比部自唐宋
而後專掌勾稽中外帳籍如今注銷錢糧之職並不關

職官表卷十三
涉刑名說已具前然考李心傳建炎以來朝野雜記謂
宮禁歲取金銀錢帛率以百萬計雖有歲終比部驅磨
之令然郎官第赴內東門司終日危坐而數璫自爲會
計郎官不得預畢事乃卷牘尾示之俾書名而已據此
則比部未嘗能舉其職亦可以見當時冗濫之弊矣

章俊卿山堂考索勅令所宋差宰臣提舉詳定官以侍從
之通法令者充刪定官于職事官內差兼

王闢之澠水燕談錄祥符二年以京獄訟之繁懼有冤滯
始置糾察在京刑獄司以省冤濫命知制誥周起侍御史
趙湘爲之凡在京師刑獄御史開封府皆得糾之起慮抑
屈者不能盡知乞許令糾察陳狀從之但不鞠獄○太宗

慎刑罰淳化二年始置審刑院以覆大理奏案以近臣一
人知院事設詳議六人擇京朝曉律常任法寺官者爲之
每奏一人從知院上殿例得賜緋故士大夫以審刑爲朝
官染院

江休復鄰幾雜志審刑奏案貼黃上更加撮白撮白上復
有貼黃

謹案百官志元豐官制行審刑詳議糾察悉罷歸刑部
卽所謂刑部郎中員外分左右廳左主詳覆右主敘雪
之職也

遼

遼史百官志伊勒希巴

滿洲語伊勒希副也巴處所也原作夷離畢今改正

院掌刑

獄○伊勒希巴○左伊勒希巴○右伊勒希巴○知左伊勒希巴事○知右勒希巴事○敝史○選底掌獄

謹案遼世刑獄主之伊勒希巴考遼史刑法志載道宗清寧四年詔左伊勒希巴曰外路死刑雖已款伏仍令附近官司覆問有冤者即具以聞可見諸路獄訟皆歸決遣其職實如今之刑部至其時南面官僚內尚書六部多依唐典建置刑部長貳亦必備官然以史證之惟大理寺所掌較重故大理卿少如耶律儼劉伸之屬史皆稱其治獄詳允而刑部除授紀傳多未之及殆以其僅存空名故略而不載歟

金

金史百官志刑部尚書一員正三品侍郎一員正四品郎中一員從五品員外郎二員從六品一員掌律令格式審定刑名關津譏察赦詔勘鞫追徵給沒等事一員掌監戶官戶配隸訴良賤城門啟閉官吏改正功賞捕亡等事主事二員從七品令史五十一人內女直二十二人譯史五人通事二人架閣庫管勾一員正八品掌刑工兩部架閣大安二年以主事各兼同管勾一員從八品○獄丞一員從九品屬御史臺

元

元史百官志刑部尚書二員正三品侍郎二員正四品郎中二員從五品員外郎二員從六品掌天下刑名法律之政令凡大辟之案覆繫囚之詳讞孥收產沒之籍捕獲功

賞之式冤訟疑罪之辨獄具之制度律令之擬議悉以任
 之世祖中統元年以兵刑工為右三部置尚書一員侍郎
 二員郎中五員員外郎五員以郎中員外郎各二員專署
 刑部至元元年析置工部而兵刑仍為一部尚書四員侍
 郎仍二員郎中四員員外郎置五員三年復為右三部七
 年始別置刑部尚書一員侍郎一員郎中一員員外郎二
 員八年改為兵刑部十三年又為刑部二十三年六部尚
 書侍郎郎中員外郎定以二員為額大德四年尚書增置
 一員其首領官則主事三員吏屬則蒙古筆且齊解見吏部篇
 四人令史三十人回回令史二人克埒穆爾齊解見吏部篇一
 人知印二人奏差十人書寫三人典吏七人○司獄司司

獄一員正八品獄丞一員正九品獄典一人初以右三部
 照磨兼刑部繫獄之任大德七年始置專官部醫一人掌
 調視病囚○司籍所提領一員同提領一員至元二十年
 改大都等路斷沒提領所為司籍所隸刑部

謹案周禮秋官職金掌受士之金罰貨罰孔穎達疏謂
 斷獄訟者有疑即使出贖既言金罰又曰貨罰者出罰
 之家或時無金即出貨以當直也蓋職金主受贖緩故
 屬于司寇當為今刑部贓罰庫所自出特其職于金玉
 錫石丹青之政令本無所不掌非特罰贖一事與金顏
 料庫尤為相合今已專繫之戶部三庫篇內不復列于
 此表至自漢以後贖金所入未見專司唐六典載侍御

史之職有六其五曰贖李林甫注謂以年深之次者一人知西推贖事則以憲官兼之宋志載大理寺右治獄分四案其一曰左右寺案掌斷訖公事案後收理追贖等則又為吏人所掌初無定式惟元代司籍所雖主斷沒之籍不止贖而隸屬刑部猶得秋官職金遺意視今制之贖罰庫差為近之云

富大用事文類聚大元刑部掌律令格式審定刑名奴婢配隸關津譏察城門啟閉之事置令史分掌名頭無專曹

明

明史職官志刑部尚書一人正二品左右侍郎各一人正三品

其屬司務廳司務二人從九品浙江江西湖廣陝西廣東山

東福建河南山西四川貴州雲南十三清吏司各郎中一

人正五品員外郎一人從五品主事二人正六品正統六年十

人正五品成化元年增設四川廣西二司主事各一人後革

萬厯中又革湖廣陝西山東福建四司主事各一人照磨

所照磨正八品檢校正九品各一人司獄司司獄六人從九品尚

書掌天下刑名及徒隸勾覆關禁之政令侍郎佐之十三

司各掌其分省及兼領所分京府直隸之刑名照磨檢校

照刷文卷計錄贖贖司獄率獄吏典囚徒凡軍民官吏及

宗室勳戚隸于法者詰其辭察其情偽傳律例而比議其

罪之輕重以請詔獄必據爰書不得逢迎上意凡有殊旨

別勅詔例榜例非經請議著為令甲者不得引比凡死刑

卽決及秋後決並三覆奏兩京十三布政司死罪囚歲讞
平之五歲請遣官審錄冤滯霜降錄重囚會五府九卿科
道官共錄之矜疑者戍邊有詞者調所司再問比律者監
候夏月熱審免笞刑減徒流出輕繫遇歲旱特旨錄囚亦
如之凡大祭止刑凡贖罪視罪輕重斬絞雜犯徒末減者
聽收贖詞訴必自下而上有事重而迫者許擊登聞鼓四
方有大獄則受命往鞠之四方決囚遣司官二人往泄凡
斷獄歲疏其名數以聞曰歲報月上其拘釋存亡之數曰
月報獄成移大理寺覆審必期平允凡提牢月更主事一
人修葺囹圄嚴固扇鑰省其酷濫給其衣糧囚病許家人
入視脫械鎖醫藥之簿錄俘囚配沒官私奴婢咸籍知之

官吏有過並紀錄之歲終請湔滌之以名例攝科條以八

字括辭議

以准皆各
其及若卽

以五服參情法以墨涅識盜賊籍產

不入塋墓籍財不入支度宗人不卽市宮人不卽獄悼耄
疲癯不卽訊洪武元年置刑部六年增尚書侍郎各一人
設總部比部都官部司門部部設郎中員外郎各二人惟
都官各一人總部比部主事各六人都官司門主事各四
人八年以部事浩繁增設四科科設尚書侍郎郎中各一
人員外郎二人主事五人十三年設尚書一人侍郎一人
仍分四屬部部設郎中員外郎各一人總部比部主事各
四人都官司門主事各二人尋增侍郎一人治分左
右侍郎二十
二年改總部爲憲部二十三年分四部爲河南北平山東

山西陝西浙江江西湖廣廣東廣西四川福建十二部

江浙

部兼領部各設官如戶部之制二十九年改爲十二清吏

雲南

司永樂九年以北平爲北京十九年革北京司增置雲南

貴州交趾三司宣德十年革交趾司遂爲十三清吏司

謹案明制凡五歲請勅遣官出京府兩京十三省審錄
謂之恤刑歲盡遣主事往關內江南江北涖殺謂之審
決

國朝順治初尚沿其制歲遣三法司堂上官至直隸審決
十四年改遣司屬康熙五年停止而恤刑郎中員外郎
各差亦於康熙初裁省焉

又案明一代弊政莫甚于廠衛詔獄以刑名重任寄之

武夫宦寺肆情生殺屠僇忠良其惡殆過漢之黃門北
寺而履霜有自實起于令內監審錄獄囚俾得以擅作
威福史稱成化以後凡大審錄太監齎敕張黃蓋于大
理寺爲三尺壇中坐三法司左右坐御史郎中以下捧
牘立唯諾趨走惟謹三法司視成案有所出入輕重俱
視中官意不敢少忤以刑餘小豎輒敢凌鑠卿貳指揮
郎吏竟無一人能與抗爭不獨褻侮班聯而刑獄之失
中其流弊更難究詰我

國家明罰勅法慎重邦刑凡秋錄大典會讞上

聞皆

親覽要辭

